

Wittgen, Archives
2 Jan III p 32.

Monsieur

Je vous renvoie le discours de feu Monsieur le Lieutenant Vere de la bataille de Nieupoort, où pour mieux dire du combat qu'il a fait avec sa troupe laquelle estoit se voir la de l'Avantgarde. J'ay leu et relu, et trouue qu'il a certes avec grand jugement bien particulièrement décrit et remarqué tout ce qui estoit fait par l'Ennemi a cette premiere et grande attaque de la troupe qu'il commandoit, laquelle véritablement il faut aduouer qu'elle fit tresbien et ualereusement, mais il me semble qu'il parle un peu trop sobrement des autres, qui neanmoins saquirent aussi avec grand couraige de leur deuoir, en receuant et chargeant avec resolution les troupes ennemies, Et notamment nostre Cavallerie laquelle par ordre de feu son Excellence de sault memora se firent en sa presence par plusieurs fois de fort belles charges, esquelles feu Monsieur le Comte Louis de Nassau fit tresbien, de sorte que leur fault aussi attribuer une grande partie de l'honneur de cette belle et signalée victoire, Et sur tout a feu son Excellence, laquelle par sa grande valeur, dextérité, et bone conduite, (Ayant esté sur tout) temoignoit en cette tant celebre iournée, ce que peut en un si grand et doubteux combat, la presence d'un sage, prudent et experiente general. J'esper de vous veoir appres demain si plaut a Dieu a la Haye, ce que m'empeschera de vous en dire d'auantage. Je suis et demeureray toujours

Monsieur

Vostre tresassure et tresaffectionné
né parain et seruiteur.

Guestrius de Nassau

A Leyden ce 16 d'April
1624.

[Faint, illegible handwritten text, likely bleed-through from the reverse side of the page.]

[Faint, illegible handwritten text, likely bleed-through from the reverse side of the page.]

[Faint, illegible handwriting]



A Monsieur

Monsieur Huygens, Secre-
taire de son Excellence

Alasaye.

